



ЎЗБЕКИСТОН РЕСПУБЛИКАСИ
ОЛИЙ ВА ЎРТА МАХСУС ТАЪЛИМ ВАЗИРИНИНГ
БУЙРУҒИ

2019 йил “5 октябрь” № 894

Тошкент ш.

Олий таълим муассасалари талаба-ёшлари ўртасида “Ўзбекистон ёшлари бузғунчи ғояларга қарши” мавзусида “Энг яхши мақола” номинациясидаги республика танловини ўтказиш тўғрисида

Ўзбекистон Республикаси Олий ва ўрта махсус таълим вазирлиги томонидан Ўзбекистон ёшлар иттифоқи Марказий Кенгаши билан келишилган ҳолда ишлаб чиқилган “Ўзбекистон Республикаси Олий ва ўрта махсус таълим вазирлиги тизимида 2019 йилда ёшларга оид давлат сиёсатини амалга ошириш бўйича чора-тадбирлар дастури”нинг 7-банди ижросини таъминлаш мақсадида

БУЮРАМАН:

1. Олий таълим муассасалари талаба-ёшлари ўртасида “Ўзбекистон ёшлари бузғунчи ғояларга қарши” мавзусида “Энг яхши мақола” номинациясидаги республика танловини ўтказиш бўйича вазирлик Ташкилий қўмитаси таркиби 1-илова, танлов Низоми 2-иловага мувофиқ тасдиқлансин.

2. Вазирлик Ташкилий қўмитаси (Қ.Шарипов)га:
танловнинг барча босқичларини юқори савияда ўтказилишини мувофиқлаштириш, танловнинг якуний босқичи ҳакамлар ҳайъати таркибини шакллантириш;

танлов ғолибларининг энг сара ижодий ишларини олий таълим муассасаси газета ва журналларида кенг ёритилишини таъминлаш вазифалари юклатилсин.

3. Олий таълим муассасалари ректорлари ва филиаллар директорларига:

талаба-ёшлар ўртасида танловнинг мазмун-моҳиятини кенг тарғиб қилиш ҳамда олий таълим муассасасининг веб-сайтларида танлов ҳақида материаллар бериб бориш;

“Ўзбекистон ёшлари бузғунчи ғояларга қарши” мавзусида “Энг яхши мақола” номинациясидаги танловнинг биринчи ва иккинчи босқичларини Низом талабларига мувофиқ юқори савияда ўтказиш, танлов ғолибларини рағбатлантириш ҳамда уларнинг ота-оналарига “Ташаккурнома”лар етказиш;

танловнинг иккинчи босқичи ғолибларининг ижодий ишларини ўрнатилган тартибда вазирлик Ташкилий қўмитасига тақдим этиш вазифалари юклатилсин.

4. Иқтисодиёт бошқармаси (М.Ҳамраев) “Ўзбекистон ёшлари бузғунчи ғояларга қарши” мавзусида “Энг яхши мақола” номинациясидаги босқичи ғолибларини танлов Низомининг 7.2. бандига мувофиқ рағбатлантириш билан боғлиқ молиявий харажатларни “Олий таълим муассасаларини ривожлантириш” жамғармаси маблағлари ҳисобидан ўрнатилган тартибда қопласин.

5. Мазкур буйруқнинг ижросини назорат қилиш вазирнинг биринчи ўринбосари Қ.Шарипов зиммасига юклатилсин.

Вазир



И.Маджидов



Вазирликнинг 2019 йил "5" октябрь/даги
894 -сон буйруғига 1-илова

**“Ўзбекистон ёшлари бузғунчи ғояларга қарши” мавзусида “Энг яхши
мақола” номинациясидаги танловни ўтказиш бўйича вазирлик
ташкилий қўмитаси
ТАРКИБИ**

1. Қ.Шарипов - Вазирнинг биринчи ўринбосари, ташкилий қўмита раиси
2. О.Базаров - Маънавий-ахлоқий тарбия бошқармаси бошлиғи, ташкилий қўмита раиси ўринбосари
3. М.Ҳамраев - Иқтисодиёт бошқармаси бошлиғи, аъзо
4. О.Худайназаров - ОЎМТВ ҳузуридаги “Маънавият ва маърифат” маркази директори, аъзо
5. А.Арзиматов - Ишлар бошқармаси бошлиғи, аъзо
6. С.Ахмедов ОЎМТВ ҳузуридаги “Маънавият ва маърифат” маркази директори ўринбосари, аъзо
7. Х.Эшов - ОЎМТВ ҳузуридаги “Маънавият ва маърифат” маркази бўлим бошлиғи, аъзо
8. Ш.Рахмонов - ОЎМТВ ҳузуридаги “Маънавият ва маърифат” маркази услубчиси, котиб



Вазирлиқнинг 2019 йил “ 5 октябрь ” даги
894 -сон буйруғига 2-илова

**“Ўзбекистон ёшлари бузғунчи ғояларга қарши” мавзусида
“Энг яхши мақола” номинациясидаги танлов
НИЗОМИ**

I. Умумий қоидалар

1.1. Мазкур танлов Ўзбекистон Республикаси Олий ва ўрта махсус таълим вазирлиги томонидан Ўзбекистон ёшлар иттифоқи Марказий Кенгаши билан келишилган ҳолда ишлаб чиқилган “Ўзбекистон Республикаси Олий ва ўрта махсус таълим вазирлиги тизимида 2019 йилда ёшларга оид давлат сиёсатини амалга ошириш бўйича чора-тадбирлар дастури”нинг 7-бандида белгиланган вазифалар ижросини таъминлаш мақсадида ташкил этилади.

1.2. “Ўзбекистон ёшлари бузғунчи ғояларга қарши” мавзусида “Энг яхши мақола” номинациясидаги танловида олий таълим муассасаларида таҳсил олаётган талабалар ўзларининг ижодий ишлари билан иштирок этади.

1.3. Танлов “Энг яхши мақола” йўналишида ўтказилади.

1.4. Танловнинг олий таълим муассасаси босқичларини ташкил этиш ва ўтказиш жараёни олий таълим муассасаларининг Ёшлар билан ишлаш, маънавият ва маърифат бўлимлари томонидан амалга оширилади.

II. Танловнинг мақсади ва вазифалари

2.1. Танловнинг асосий мақсади – ёшлар ўртасида ижтимоий-сиёсий вазиятнинг барқарорлигини таъминлаш, уларни турли экстремистик оқимларга қўшилиб кетишининг олдини олиш, олий таълим муассасаларида ёшларни дунёвийлик, ватанпарварлик руҳида тарбиялашга қаратилган амалий чора-тадбирлар ва маънавий-маърифий ишларнинг таъсирчанлигини ошириш, ёшларимизни ҳар томонлама соғлом ва баркамол этиб тарбиялаш, ўз иқтидорларни намоиш этишлари учун шарт-шароитлар яратиш ҳамда мустақил ва эркин фикрга эга истеъдодли ёшларни қўллаб-қувватлашдан иборат.

2.2. Танловнинг вазифалари қуйидагилардан иборат:

ёшлар ўртасида ижтимоий-сиёсий вазиятнинг барқарорлигини таъминлаш, уларни турли бузғунчи ғояларга қўшилиб кетишининг олдини олиш;

олий таълим муассасаларида ёшларни дунёвийлик, ватанпарварлик руҳида тарбиялашга қаратилган амалий чора-тадбирлар ва маънавий-маърифий ишларнинг таъсирчанлигини ошириш;

ёшларимизни ҳар томонлама соғлом ва баркамол этиб тарбиялаш, ўз иқтидорларни намоиш этишлари учун шарт-шароитлар яратиш ҳамда мустақил ва эркин фикрга эга истеъдодли ёшларни ҳар томонлама ривожлантириш;

ёшларда ёт таъсирларга қарши мустаҳкам иммунитетни шакллантириш;

чора-тадбирлар дастурининг мазмун-моҳияти тарғиботи таъсирчанлигини ошириш;

ёш авлодни ҳар томонлама етук, юксак маънавиятли, интеллектуал салоҳиятли, ота-онасига, Ватанига садоқатли инсонлар қилиб тарбиялаш;

“Ўзбекистон ёшлари бузғунчи ғояларга қарши” мавзусида “Энг яхши мақола” номинациясидаги талабаларнинг ижодий ишларини кенг жамоатчиликка етказиш.

III. Танловни ўтказиш босқичи ва муддатлари

3.1. “Ўзбекистон ёшлари бузғунчи ғояларга қарши” мавзусида “Энг яхши мақола” номинациясидаги танлов уч босқичда ўтказилади.

Биринчи босқич – олий таълим муассасасининг факультетлари академик гуруҳлари талабалари ўртасида жорий йил октябрь ойининг иккинчи ўн кунлигида ўтказилади.

Иккинчи босқич - олий таълим муассасаси миқёсида факультетлараро уларнинг ғолиблари ўртасида ноябрь ойининг биринчи ўн кунлигида ўтказилади.

Учинчи босқич (якуний) - республика олий таълим муассасалари ғолиблари ўртасида жорий йил декабрь ойининг биринчи ўн кунлигида ўтказилади.

IV. Танловни ташкил этиш ва ўтказиш

4.1. Танловнинг биринчи ва иккинчи босқичини ўтказиш бўйича олий таълим муассасаси ректори буйруғи билан Ташкилий қўмита ва соҳа профессор-ўқитувчилари, олимлари, мутахассислари, жамоат ташкилотлари вакилларидан иборат таркибда ҳакамлар Ҳайъати тузилади.

Талабалар томонидан йўналишлар бўйича тайёрланган ижодий ишлар факультетлар ва ОТМ кесимида тузилган ҳакамлар Ҳайъати томонидан танлов шартлари ва мезонлари асосида баҳоланади.

4.2. Танловнинг учинчи босқични ташкил этиш ва ўтказиш Олий ва ўрта махсус таълим вазирлиги қошида ташкил этилган ташкилий қўмита томонидан амалга оширилади. Танловнинг якуний босқичи ғолибларини аниқлаш бўйича Ҳакамлар ҳайъати тузилади. Ҳайъат таркибига соҳа бўйича етук мутахассислар жалб этилади.

V. Танлов шартлари ва баҳолаш мезонлари

5.1. Танловга тақдим этиладиган ижодий ишлар қуйидаги мезонларда баҳоланади:

- мавзунинг мазмун-моҳияти тўлақонли очиб берилганлиги;
- ижодий ишларнинг стилистик ва граматик жиҳатдан тўғри ёзилганлиги;
- мавзуни ёритишда адабиётлардан фойдаланганлик даражаси ва таҳлилий ёндашувлар, мустақил фикрларнинг аниқ билдирилганлиги;
- мавзуни ёритишга ўзига хос ижодкорлик хусусиятлари ифода этилганлиги;
- мавзуни ёритишда ҳаётий мисоллардан кенг фойдаланилганлиги;
- мавзуга оид долзарб масалалар, уларнинг ечимлари тўғрисида таклифлар келтирилганлиги;
- ижодий ишлар ҳажми 8-10 бетдан кам бўлмаслиги;
- ижодий ишларда калит сўзлар, ўзбекча, русча ва инглизча аннотацияларнинг мавжудлиги.

5.2. Ҳар бир мезон 10 баллик тизим асосида баҳоланади (жами 80 балл) ҳамда мақолалар талабалар томонидан ёзма шаклда баён этилади.

VI. Хужжатларни тақдим этиш тартиби

6.1. Республикадаги олий таълим муассасаларида ғолиб бўлган, 1 ва 2-ўринни эгаллаган талабаларнинг хужжатлари (*ОТМ Ташкилий қўмитаси баённомаси ва қарори, ғолиб бўлган талабанинг ижодий материаллари ва 10x15 ҳажмдаги фотосурати*)ни Республика Ташкилий қўмитасига жорий йилнинг 25 ноябрига қадар тақдим этилади. Ижодий ишлар электрон почта орқали қабул қилинмайди.

6.2. Танловга тақдим этиладиган ижодий иш (ўзбек, рус ёки инглиз тилларида) компьютер Word дастурида, Times New Roman 14 шрифтида, 1 интервалда, чапдан 30 мм, ўнгдан 15 мм, юқори ва пастдан 25 мм жой қолдирган ҳолда ёзилган бўлиши ҳамда матнлар илмий, техник, стилистик таҳрир қилинган бўлиши шарт. Ёзма материалларнинг 1-нусхасида талабаларнинг ўқиш жойи, факультети, курси ва таълим йўналиши тўлиқ кўрсатилади, 2-нусхасида ўқиш жойи, факультети, курси ва таълим йўналиши кўрсатилмайди.

6.3. Юқоридаги талабларга жавоб бермайдиган ижодий ишлар қабул қилинмайди.

VII. Танлов ғолибларини тақдирлаш

7.1. Танловнинг биринчи ва иккинчи босқичида юқори (1, 2, 3) ўринни эгаллаган талабалар олий таълим муассасалари томонидан махсус диплом ва қимматбаҳо совғалар, шунингдек, танловда фаол иштирок этган талабалар таълим муассасасининг фахрий ёрлиқлари билан тақдирланади. Юқори (1, 2, 3) ўринни эгаллаган талабаларнинг ижодий ишлари таълим муассасаси газета ва журналларида ёритилади.

7.2. Танловнинг ҳар бир йўналиши бўйича учинчи босқичда ғолиб бўлган талабалар қуйидаги тартибда пул маблағлари билан рағбатлантирилади:

“Ўзбекистон ёшлари бузғунчи ғояларга қарши” мавзусида “Энг яхши мақола” номинациясидаги ижодий ишлар:

1-ўрин – 7 000 000 (етти миллион) сўм;

2-ўрин – 5 000 000 (беш миллион) сўм;

3-ўрин – 3 000 000 (уч миллион) сўм.

Шунингдек, ғолиб талабалар Олий ва ўрта махсус таълим вазирлигининг махсус диплом ва фахрий ёрлиғи билан тақдирланади. Талабаларнинг энг сара ижодий ишлари Республика газета ва журналларида ёритилади ҳамда алоҳида тўплам шаклида нашр этилади.